



Alþingi
Erindi nr. P 131/459
komudagur 6.12.2004

ÍSAFJARÐARBÆR

Nefndarsvið Alþingis
félagsmálanefnd
150 Reykjavík

Ísafirði, 30. nóvember 2004
Tilvísun: 2004110047
/--

Efni: Umsögn Ísafjarðarbæjar um frumvarp til laga um Lánasjóð sveitarfélaga.

Ísafjarðarbær fagnar framkomnu frumvarpi um Lánasjóð sveitarfélaga og telur að með nýjum lögum um lánasjóðinn geti hann eflst til muna og þannig þjónað sveitarfélögunum á Íslandi enn betur en hingað til.

Helstu kostir frumvarpsins umfram gildandi lög um sjóðinn teljum við vera:


- Málefni sjóðsins verða alfarið á hendi sveitarfélaganna.
- Niðurfelling árlegs framlags Jöfnunarsjóð inni lánasjóðinn eykur möguleika á frekari framlögum Jöfnunarsjóðs til sveitarfélaga, sem nauðsynlega þurfa aukin framlög.
- Lánasjóðurinn, ef vel tekst til, getur í framtíðinni orðið aðal lánveitandi sveitarfélaganna og stofnana þeirra þar sem vaxtakostnaður og annar lántökukostnaður gæti lækkað m.v. kjör sem bjóðast hinum einstöku sveitarfélögum á markaði. Má þar nefna vaxtafót, lánstíma svo og skráningar- og umsýslugjöld vegna útgáfu skuldabréfa sem skráð eru í Kauphöll Íslands.

Með gildistöku nýrra laga og breytinga á rekstrarfyrirkomulagi verður þó að gæta að:

- Rekstrarkostnaður sjóðsins hefur verið hóflegur og ekki er æskilegt að auka hann, t.d. með fjölgun starfsmanna, nýjum skrifstofum o.s.frv.
- Lántökukostnaður hefur verið sanngjarn og ekki er æskilegt að auka hann, t.d. með nýjum þjónustugjöldum.
- Lánsúskóknir og afgreiðsla þeirra hefur verið bæði einföld og fljótverk og ekki er æskilegt að flækja þann feril.
- Núverandi starfsmenn sjóðsins er vel liðnir meðal sveitarstjórnarmanna og hafa reynst sveitarfélögum afar hjálplegir. Æskilegt er að þeir haldi störfum sínum.

Ísafjarðarbær leggur til að framkomið frumvarp verði samþykkt óbreytt sem ný lög um Lánasjóð sveitarfélaga.

Virðingarfyllst


Þorir Sveinsson
fjármálastjóri.